

6109-5

54

36 T 5476.3 / 8.3 B

5581.3203



御製詩二集卷之六十一

古今體九十首

丙子二

二月十三日啓程躬祭

闕里適以是日逆賊阿睦爾撒納就擒捷

音至理宜躬詣

祖陵叩謝因以路便命改程先謁

泰陵俟曲阜迴蹕敬當往謁

孝陵

景陵七字成詩一心誌慶



Handwritten mark or signature in the right margin.

撫定伊犁功慶成告功

闕里此涓程胡為背德圖專地卒至生擒遞

捷旌數日紆途近申謝

二陵遙望迥懸誠

祖功

宗德叨鴻祐益切冰淵戒滿盈

驚性安能飽竟颺遠夷亦自識綱常

時將軍策楞

師深入諸部為阿睦爾撒納煽動者舉悔從逆之非都爾伯特台吉伯什阿噶什率庫本

諾音台吉諾爾布等 虛傳三窟藏身謫實許

千廬悔罪良肯使游魂潛釜底寧同飛鳥嘆

弓箴

上年略定伊犁阿睦爾撒納為副將軍功成寵賚甚渥方召赴山莊錫宴而逆

賊反覆性成潛萌為四部總台吉之志所圖不遂乃中道叛去脅其黨為亂卒底於誅

欽承

天貺慰還懼魚海龍堆日月光

黃新莊行宮疊去歲韻

去歲命貞師邀麻敬謁

陵功成信云速而何乖變生討叛重致誅虎

旅踐王庭鼓勇合眾力露布傳紅旌瀚海銷

兵氣天弧靖狼星蒙  
佑申素悃吾寧漫改程

月

柏望冰輪欲滿規春雲傍晚去何之離宮行  
漏方初度硯匣冰壺又一時  
翻馥那須亞盆  
萼扶踈偏愛上窓枝上元寶月成前月過隙  
流陰迅若斯

長溝

風吹陌柳雪餘坡迤邐長溝策騎過底識年

來增戶口草團瓢較向時多

易州房山一帶  
村民率結小團

茅廬居之謂  
之草團瓢云

野水彎環抱郭流治田兼復牧羊牛長官宜  
讀郭駝傳不擾其餘任自謀

毳服春朝尚峭寒房山遙在白雲端高低土  
脈皆含潤歷覽吾心畧為寬

花朝

今歲花朝花事無閏遲寒未吐花鬚曉園剪  
綴寧煩效溫室烘培也不須已喜韶光稱有

脚偏饒清興閱沿途鳴鞭春色原如許陌柳  
薰黃看幾株

過拒馬河

浮梁之上春風輕浮梁之下春水生憑輿春  
意已滿目尚有湍流挾冰行燕爭趙攘無消  
息割據猶傳拒馬蹟我来叅叩為武成乃在  
流沙之西極嘉兵勤遠古戒矣討叛誠因不  
得已千村耕作本宴然杜甫兵車詎同此

永慕齋

春風來永慕決歲迅如斯遐奠叨

鴻佑遄臻謝

燕詒東程三日緩

由良鄉紆道謁  
自涿州東詣曲阜

僅增三

日程衷曲一宵遲五致嗟何及惟餘此致思

恭謁

泰陵

載戢干戈弓矢橐春風露布捷旗高徂求遂  
得元兇繫耆定端惟

聖澤叨保大今猶籌撫恤詰戎昔尚憶

勤勞歲功成

志遠云幸戒滿持盈勵自操

過荆軻山隳括其事題辭

慶卿本齊人擊劍無好書蓋聶及勾踐避去  
如懦夫至燕人不識所愛惟狗屠游酒遇漸  
離酣歌旁若無田先生善之謂非庸人徒燕  
丹怨秦陵鞠武謀嫌迂武乃進田光褻席跪  
導途知壯未知耄國事難任謀叶因緣進荆  
卿不言死明諸尊禮舍上舍順適惟所需激

樊得其首兼具督亢圖治裝將啟程有待欲  
與俱辭決不復顧忼慨遂就車蒙嘉為先言  
九賓觀帝居舞陽果色變顧笑為揶揄圖窮  
匕首見堪之未至軀手搏衆惶急囊提夏無  
且拔劍擊荆軻倚柱罵自如丹謀終無成國  
喪身亦誅行險致奇禍孰謂傳言疎史遷羨  
名垂寧識仲尼譽

涿鹿行疊去歲韻

采旄重臨凹字城獻功將為在泮行去年過

此師方出尚憶興寄軒轅明鷄翩其集鷹亦  
飽狡焉颺去自云好由來

天道本禍淫險遠安能恃奸巧檻車累致應

自尤腆顏猶詡懷恩稠阿睦爾撒納叛後猶

吉署街尚稱定邊左副將軍露布正到啓程

際叩

陵途為三日留天涯盡處銷兵氣干戈色以

虎皮收千村耕牧本無事行因釋奠文教修

柳色

未宰如油綠先搖似酒黃盈盈繪春色往往

冑烟光遙看近疑失無端有若狂高樓誰望

見可復膩柔腸

涿郡覽古

龍安高峙古洹流表裏山河拱帝州連歲頻

過緣有事告功漫擬勝蚩尤

華陽置酒名猶在督亢成圖計已空衍水通

逃仍致敗燕丹終未識英雄

為政窮經事豈分千秋名教繫君臣昌言抗

董知誰氏聞是當年絳帳人

赤符一脉乃三分羽葆樓栞自昔聞相傍桓

侯故井在當時際會想風雲

瓊樓邊洞乘雲去壁水琴高跨鯉來此事今

胡艱目覩列仙傳記果真哉

郎山遙碧聳嶙峋注水經成字字神千載酈

亭傳姓氏先生合是個中人

胡良拒馬多淫潦內帑成橋利旅烝中饋戒

惟干外政頌功何事記江陵

紫泉行宮雜詠

敞軒

春和近全攬野綠遠偏延宋祖開門意洞明

我與然

屏山

疊石為假山威紆曲屏展一覽戒無遺如旒

之蔽冕

鏡湖

其源來紫泉輸注成半畝載舟彼已然濯纓



吾何有

舫室

臨湖築舫室不繫常涵虛米家書畫式津逮  
今紛如

櫻亭

一笠棲嶻嶭望之疑閭風來往是何侶琴高  
及韓終

虹橋

宛轉界平湖一亭乃宛在鏡清本愛憑泚芳

復可採

魚罾

石梁繫魚罾舉之無一呈莫擬空行笈此間  
水至清

石徑

結構肖天然崎嶇復岨崿一宿之棲遲移豎  
可借許

竹埭

傍軒種嫩篁姍姍四五个何必羨渭川亦有

清風簌

箭廳

三楹向平遠用備試弧矢習武重巡方是誠我所喜

雜言

愛熊食之鹽愛獺飲之酒匪愛實害之名言聞之柳心所說毀舟為杖心所欲毀鐘為鐸所與幾何十損一得揚湯止沸抱薪救火愈甚無益謂智不可戟以刈葵鏡以益卮杓鑿

弗入非愚而誰

界河

遼宋分疆此界河圖遼因復與金和開門延敵自貽戚五國淒涼怨則那

示直隸總督鄂彌達及各屬

畿輔歲巡省清塵勤且諳長民寧祇此適已

率為慙歲美人教儉男耕女拙蠶北省婦人

桑實心日戒五鄂彌達以尚書暫署總督異

政蹟宗三切以慈祥導徐將禮樂涵休風自

御製詩集卷六十一  
首善遐壤庶因覃

萬柳隄

風前日日旋去聲添黃高下籠隄十里強恰似  
與人為宿約每來常是冒烟光

長隄界淀直如繩東淀多淤西淀渟趙北行  
宮應不遠隔林遙見

御碑亭

瀦流本為資農務習獵兼因訓水師漁舍蝸  
寮均樂利

神堯規澤至今垂

駐蹕趙北口

月漾橋頭駐翠旌渚宮春水一篙生禽圍命  
罷今番獵驛路虞延數日程十斛塵遙去衣  
袂萬層漪倒上簷楹憑軒聊寄滄浪意妙理  
清機鏡裏呈

魚梁鱗斷學江鄉岸芷汀蘭意向芳暖日人  
家初試網遠風洲渚亂鳴榔言能春鳥高低  
掠機泯間鷗自在翔坐到昏黃得竒會際天

煙水遠蒼茫

網戶進魚

網戶無租有官餉，役同黃頭掌官舫。世傳其業隸奉宸，家居趙北煙波漾。翠華經過羣來迎，籃擊活鯉如噓浪。各賚之金命散去，三十六鱗旋亦放。竊烹校人寧止一，即目誰能施巧術。因悟好逸不躬親，諸弊由來從此出。

月

西渚羲輪沉東壁，夜珠吐金水氣相投。方諸

益鼓舞乍暝，暝非暗繼明明。且媿泠泠帶微寒，盈盈懸碧宇。初時燭近洲，漸復辨遠溆。泛激湧金漪，光幻現瑤璣。星星見漁火，軋軋聞征櫓。擬議不可得，色聲清淨所。

趙北口行宮疊舊韻二首

通閨冰初泮，遲春花未妍。座茵重布此壁句

載賡前

癸酉經此曾疊前韻

孤鶩空中下，遠帆雲外懸。

虛窓依碧水，不繫得稱船。

月宇臨雲牖，涵虛遠更明。一時契澄觀，去聲萬

頃入吟評春穉景偏好風恬浪不驚昆明今  
似此同一在川情

鄭州道中作

東風隄柳曉烟新隄外郵亭不惹塵底事玉  
驄為遲策芳郊今日見耕人

舊州迤邐接新州沿革難從考所由長堰威

紆緣避潦謀民端是

聖人周鄭州西北皆有隄康熙年間置一以  
遮淀一以避潦新州之移置於南想

亦為此而已

荒榛蔓草舊州城故蹟依稀似易京或又謂  
舊州即

公孫瓚易京故蹟云固守曾聞騎都尉當年割據入間

評

士習詩書農服田熙和一百有餘年持盈此

日遑耽逸勞已勤民勉繼

前

過河間府

重駐州鄉旆言臻曲阜祠民風隨處驗幾務  
以時披城郭而今整閭閻較昔滋人文勝他

郡猶是獻王遺

再和沈佺期望瀛州南樓韻

昔人壘木譙逸氣固凌霄何以樓無存勝蹟  
久寂寥雲鄉此吟望軒意結飛飈芳音亦已  
歇烟柳惟荒橋瀛驛過已屢瀛洲諒匪遙每  
來必賡韻結習餘清囂却笑昭容評胡遜考  
功謔

秋麥

秋麥當春茁芊芊綠被疇全勝彼芳草但解

供吟眸霑雪欣膏潤先時望夏收傳宣避踐  
踏餅餌此中求

命免直隸山東所過州縣今年田賦十  
分之三并成口號

計里修除雖受直常供還免十之三長官縱  
自清操凜需索應防吏役貪

寄題河間獻王墓

見說來朝獻雅樂更聞歸邸請遺書春秋立  
左詩毛氏求是端非漫取譽

成趣園邊蔓草荒居人猶自說賢王漢家誰  
更齊芳者祇有東平樂善蒼

暖

向南氣變暄輕裘遞日換韶光始醞釀野趣  
堪品判含胎花倚牆放眼柳籠岸造物本無  
心寒暑互輪轉迴暖率同欣迫冷多增歎協  
時惟益欽通政思以贊

紅杏園疊前韻

西極奠鴻功東山臨鳳輦郵程經古邑憩所

駐閒館夜息奧室溫晝接明廷顯所凜身無  
逸所喜書堪展今古既因省絲竹一以遣五  
經賴誰明遐思獻王善

見桃花始開

紅杏園中桃始華纔舒春色未蒸霞底從名  
相分賓主付與東風次第加

天天灼灼碧溪隈度索移將藍水栽屈指花  
朝纔七日果然來復一枝開

過阜城縣

似盡疎村點如弦蹕路平柳將舒翠葉桃已  
綻紅英忽度隴頭水還過椀大城埤垣今壯  
觀去聲凡百要經營是縣向類廢今

陰

變黷彌空宇不知雲所生已喜日御韜便望  
春膏零邇來憑輕輿在在見新耕脈土多含  
潤無妨數日晴豫時異甘澤惟是祈農情

曉過景州

春烟歛處見城郭露冕行中覲臣民羽林警

蹕爾莫亟部屋暑寒吾最親政協剛柔要因  
俗風樹彰瘴歸以仁每度戶口較先益足食  
艱致陳相因

題開福寺塔

曾聞埋雁塔或道鎮龍宮舍利堅終古偷婆  
高逼空皈依信有所騁望自無窮忽憶錢江  
上登吟約畧同

賜予告尚書魏廷珍

懸車辭魏闕回駕返蓬廬望九人中瑞無雙



往來言一集 卷六十一  
林下居精神益軒若風度尚彬如娛老詢何  
物三朝有賜書

微雨

武帳聞淅瀝遙欣壠畝滋歌枕為不寐須臾  
風暎之情知猶可待望澤每先時軍書傳夜  
鑰秉燭還詳披雖已獲元兇尚未旋王師征  
伐固不勞撫定貴得宜昉昕天漸明命駕將  
前移

入山東界

北民瞻過輦東吏迓來驄彼自分疆界吾寧  
有異同欲知人疾苦漫詡歲和豐尚恐妨耕  
作興鋤候已融

衍聖公孔昭煥來接詩以賜之

春風二月又巡東釋奠今年為獻功詎止榮  
卿一家獨可知尊聖百王同攜來四氏齊迎  
輅接上千年盡號公故是尼山餘蔭永勗哉  
何以慎居豐

習射

曲阜瞻依馬首東和門有暇詠敦弓從來射  
藝足觀德敢為武成忘詰戎枉矢三飛雕羽  
黑朕發矢以三為度率中一二或三皆樹侯  
連中鵠心紅其爭君子不稱力矍相遺風或  
可同

過運河

橫陳流運水直接度浮橋粟轉千艘永川歸  
百道遙曉烟低柳綠春浪蘸桃夭東望州城  
近埤垣倚麗譙

再依

皇祖德州即事詩韻

東魯奠芹日西傾歸馬初告成遵

聖軌考蹟閱輿書

瞻就萬姓歡扈衛千軍肅省歲占農桑敷政

協寒燠

降旨加賑去歲山東被災州縣

去歲闔省豐被水廿州縣去歲東省鄒縣等

偏災濟寧蘭山郟城日照利津五屬較重各  
按分數給賑穀貴者每石增直一錢至是復

命一加賑以兩月一為差其中尚偏灾况非所經見而我  
意惻惻如覩溝壑轉迎鑿來老幼載道衆無  
萬飽暖多欣欣忍彼向隅嘆亟重加兩月其  
餘概賜半復慮倉儲少許以銀蕪散銀不足  
穀價則為增其筭勤民不厭詳廿年一誠貫  
有司善施行其令吾息遍

繁露臺

德州城內相傳董子著春秋繁露處後  
人因築

天人三策對賢良已見春秋大義彰那更高  
臺演繁露轉思董子失之詳

禹津馬頰河

聞之治河方利合不利分合則挾沙行分則  
其沙屯沙行流乃安沙屯泛溢頻其言如誠  
當智乃過禹人九河非分何何以免漲淪而  
今豈非合徒見淤河身我來過大陸馬頰與  
禹津今古勢既異空歎其蹟存更張豈易言  
而况見未真利不十不變莫如流俗循

賜河東河道總督兼署山東巡撫白鍾

山

治河以衛民表裏本相因况萃一身鉅其厯  
萬姓辛寧當營供奉匪為事遊巡立位官湏  
業名言昔可循

息縣城南

柳變黃為綠麥抽芽作秧春光漸可望農事  
已相將莫以就瞻切寧無耕作妨尊親衆情  
一益為厯如傷

夕

津期此日偶駐蹕歷城南望知不遙蒼茫暮  
色暝大野悠揚笳吹發清宵三番去聲經臨均  
有事一晌省憶還無聊向來欣戚何縈我侯  
度惟歌角徵韶

讀淮西碑

恩縣唐貝州高唐亦博郡我讀淮西碑遙想  
建藩鎮稂莠滋不除恬嬉誰過問憲宗大振  
作羣臣始懾震致魏博貝襄從志皆恭順曰

武不可究少息輯威忿元濟犯東都萬口如一論因撫而有之無事休生釁帝曰有臣同命師分道進度懇各努力獲醜兼執訊用是淮蔡平鴻文勒碑峻譬臧獲背主操戈戶庭近縛之不為功縱之徒致吝益因知政頽安得謂武奮

平原道中作

古縣鳴梢發六駟觀民徐度短長郵平原食客傳豪志韓信連營想壯猷却幸邇年復元

氣

憶戊辰度此時正值災沴之餘邇年連值有收大非昔歲景象矣

即看連

求 壠茁來牟有司除道非先務教養良方要亟

戲題東方朔祠

待詔曾聞金馬門千秋桑梓尚平原滑稽自是先生志應笑叢祠像設尊

荏平道中雜詩

金根重此度重郵民俗詳觀並細諏日日迎  
鑾扶杖者銀牌養老被恩周

命內府製銀牌書養老字以賜

德詩言集 卷六十一  
十以上者

千秋東郡此荏平荏荏相沿浪與名應邵堪  
稱依正注宋祁殊是失精評

前朝瀛海桃初放今日平原杏正開客路東  
南迓春去韶光次第接人來

趙勝千金終不取聊城一箭遂全平解紛詎

獨時人重野店長存望魯名荏平有魯望店云即魯仲連故里

漫稱水部早成仙獨許唐臣善弼愆說與都

人士相勉繼踪何以續鄉賢

### 檀廬

架木圍檀製朴淳明駝裝載便時巡舒張收  
卷渾如意宵養晝存怡暢神秉燭觀書思汲

古披衣問政惕臨民江南塞北殊風景箇裏

拈來總靜因

江蘇巡撫莊有恭來迎詩以示志

恐妨賑務罷南巡上年降旨今春南巡旋以秋災待賑恐有司因迎誤

致妨賑恤何事遙來肆覲頻政以連疆誠太

泥去聲

業因夙駕許遄臻

南省諸臣聞朕東巡咸以接壤奏請迎覲

皆止勿來莊有恭適查賑渡河而北距江鄉

曲阜既近因許速至欲面詢撫恤情狀疾苦吾恒切前席疇咨汝悉陳調幕同應抱

深愧速歸其善活斯民

杏

依依壠首綻紅英斜拂吟鞭最有情況是輕

陰方釀雨可人時節近清明

上林千葉想芳華驛路婆娑也自嘉真覺春

光不偏黨一般繪到野人家

成蹊桃李自無言有意盈盈護華門分付行

人慢輕折幾多生計箇中存

葢含韻吐無香馥瓣染姿標却艷紅偏是東

風解相聲平妬絳林高下鎮蓬蓬

御製詩二集卷之六十二

古今體八十一首

丙子三

少岱

少岱秦岱之右臂起伏蜿蜒數百里以少於  
岱因得名元方季方兄弟比平原曠望行半  
月罨目真教見山喜尋脉東瞻乃不窮堂堂  
霍霍依稀是或為乾闥或坤闔半倚天邊半  
雲裏膚寸因之希崇朝處處祈年心未已

掛劍臺





柯邑遙經掛劍臺延陵高義儼如哉使還上  
國心無倍應是請觀周樂迴

穀城

道濟全軍自退師量沙夜半計誠奇當時擬  
問吳兒輩何事長城自壞為

夜雨

觸石合膚寸如膏入夜零正當春布澤真是  
嶽稱靈清響愛濺滴寒光想杳冥瓊廬歌枕  
處耐可徹宵聽

曉行

春晨雨少間啟蹕駕言東齊地自依舊昨朝  
迴不同潤含麥頃綠燃豔杏村紅也為三農  
慰秋遙敢道豐

菜花

黃萼裳裳綠葉稠千村欣卜榨新油愛他生  
計資民用不是閑花野草流  
宿雨初收幕野烟金英千頃遠薦綿幾株紅  
杏低枝照大似蘓堤春曉天

特清風味不妖芬  
鞞燿光中驛路分  
連壠綠  
牟相映處此黃雲  
先去聲彼黃雲

過東平州

須句經古邑膏雨霽  
公田塵淨鳴鞭緩  
曦柔徹蓋前安民期  
不擾擇吏懋勤宣漢  
室諸侯衆蒼惟樂善  
傳

即事

昨來堀堞每颺塵  
許民跪覲禁趨走  
春郊雨霽氣澄鮮  
喜以民同樂以後  
羽林呵斥今不

須隨行一任紛  
左右仰瞻扶老而  
攜幼笑呼摩肩還  
接肘東顧即聞西  
者怨後來復與前  
為偶行未十里聚  
數萬咫尺馬旁盡  
翹首尊之親之爾  
愜無教兮養兮吾  
何有

復雨

又喜烟絲霏駐蹕  
恰如雨脚讓征途  
布棚點滴何虞漏  
蕪甸高低總既濡  
已為三農慶生穀  
也憂七萃嘆漸塗  
一犁春月誠希遠  
遙憶京畿得遍無

御製詩集 卷六十二  
鳳凰臺春望七言八韻 有序

東平州東南五里許平壤中土阜孤峙  
林木隱映似崇臺舊基其上層樓四望  
以供登眺圖志無考不詳得名所自丙  
子東巡行營直其西北駐蹕之次臨覽  
小憇詩以紀之

鳳凰臺者是誰名拔地峒堯近大營咫尺適  
逢萬幾暇登臨遂暢好春晴帶齊襟魯歸憑  
覽女織男耕人品評恰喜甘膏霑綠野不誇

綺畫綻紅英眼前遠景趣無盡雨後高軒涼  
峭生萬帳官軍皆扈蹕千村民氣自和平紀  
祥應笑元嘉幻得句寧同李白情此去尼山  
云近止出圖憶嘆不聞鳴

渡汶河

湛湛復泫泫長虹亘兩瀆山川千里互齊魯  
一渠分濟運常資是成盟舊所聞道元稱博  
覽已見數名紛

源出仙臺嶺依稀石汶真春寒勒萑葦雨過

張漣淪公玉漢竒士白英明老人徐行撫澄  
晏惟是塵觀民

三月朔日

魯甸韶光舒艷裔齊民和氣悅觀臨即看鳧  
藻尊親意益塵鴻圖教養心萬頃綠雲秋麥  
蔚千村紅雨杏花深浴沂春服依然近脍與  
懷從點也尋

度泗水橋

遙源出陪尾蟠竦卧波橫露浥花光潤烟低

柳意輕民風勝前度時節欲清明瞻仰宮牆  
近曷勝望道情

洙河

祥流知自孔林來萬古儒風此溯洄釋奠攄  
誠猶未已椒漿應再酌金壘

至曲阜二首

鳴梢重至

聖人鄉雨霽青郊正豔陽元氣閭閻復前度  
儒風經史表他方八年歲月駒兮電萬戶恬

熙耕與桑莅止叩瞻申積悃

素王教澤並天長

彩煥金聲玉振坊辭輿肅步意存莊翼朝自

式秩宗禮此日虔申古鼎香撫蹟還教每事

問致思合是不辭詳

堯題

舜額欽瞻處尊

聖吾朝典益彰

駐蹕古泮池

曲阜城南隅清池畝許上有古柏數株

蓋千餘年物相傳為魯泮水之舊所司

即其地構室數楹以存古蹟丙子東巡

駐蹕於此適符在泮之義因成過魯之

篇

古池上小築新宇在泮真看此獻功本意告

成

孔夫子舊踪憶始魯僖公干雲古柏城頭綠

過雨春花水面紅大吏何須謝草設禹吾無

間是卑宮

釋奠

先師禮成述事

莅止重瞻禮器遺翕如既備協金絲星霜倏

隔八年序日月同昭萬載師芹藻獻功

皇祖述宮墻煥道

素王垂可封比戶吾恒願教養均闕慝自知

古泮池雜咏

十里東郊舊魯城見輿志新城安得泮池名采

芹獻馘今符古聊聽傳訛此駐旌

思樂當時詠泮水興賢育士率於斯祀成信

宿鳴梢去安用栽花蒔竹為

玲瓏壘石寫三山古樹籠蔥出罅間始自何

人注經誤欲因考證未逢間

結石為池護水源更聞池上有臺存書雲卜

歲云於是舊傳此為泮宮臺又名書雲處觴濫

依稀自道元

魯僖基兆猶然在不見靈光歸獨存魯靈光殿云與

後制不言其  
此相近遺址  
今無可考  
王逸蔡邕還輟翰荒邱一過更

何言

幾株古柏叅天翠一沼春波徹地清池上疏  
軒陳筆硯誰能坐此閣吟情

再依

皇祖過闕里詩元韻

奠茆導

堯軌攝齊升

孔堂家鄉自鄒魯

廟貌儼門墻一貫心傳接千秋德澤長所希  
文教煥佐我治垂裳

賦得手植檜壘舊作韻

松身還柏葉拔地復擎天龍角均無見鴻名  
獨尚傳真稱卓立爾那藉屈蟠焉新幹仍連  
理太清空左纏重看承瑞露會得拂祥烟遙  
憶緇帷映敷書勵已千

杏壇

重来又值燦開時幾樹東風簇絳枝豈是人

從東言二集 卷之二  
間凡卉比文明終古共春熙

詩禮堂六韻

書堂殿左陞進講憶於茲戊辰謁聖廟禮

講以立應惟禮為言必在詩義因陳亢發名

自伯魚垂益切重來慕還教欲去遲唐槐宋

銀杏今日昔斯時望道吾何見徒存景仰思

故井

改邑不改養無窮心惻王明嘆鳳同可識當

年飲水雲曲肱樂亦在其中

魯壁

故井前頭綽楔碑傳開魯壁響金絲經天緯

地存千古豈係恭王壞宅時

謁少皞陵

三皇道重闡太皞法能脩日月明同照乾坤

澤並留鳥祥官紀號金德王開獸疏乞惟名

字鴻謨竟莫求

謁元聖祠

東山宗國重巡狩元聖崇祠設苾芬三吐有



勤殷接士一篇無逸訓為君輔成跡不同遷  
甲忠武心原為孝文官禮睢麟共條貫諸家  
注解惜徒紛

大庭氏庫用唐李白詩韻

肇建大庭氏遺臺尚巍然千年異世代萬井  
富人烟是時暮春初柳綠花紅天齊民勤耕  
桑魯士習誦絃登眺懷太白空聞悲逝川

謁

孔林酌酒

一老名愆魯兩楹夢奠聖惟知有命天豈  
喪斯文六尺存瓊斝千秋鬱柞枌壠前欽下  
拜景仰寸心勤

子貢廬墓處

世天不可得聞聞廬墓心喪六載勤楷樹至  
今枯不朽應同植者意堅云

三月三日八韻

畢裡辭曲阜紆覽向泉林元已途中度良除  
馬上吟芳春真入畫薄靄又成陰處處黔黎

喜村村花樹深鄭周傳故事庾沈協清音已  
見旌門設居然帳殿臨羽觴權可罷玉缶豈  
須尋靜想吾曾到蘭亭曲水潯

雨

每每千里遍含濡又澍甘膏雲脚鋪五日再  
霑驚未有當春盈尺得曾無所欣過午初停  
蹕便擬臨沂學舞雩南望尼山剛入牖潯湘  
移得米家園

即事

自我入齊境長途經灑迤箭直掌以平掃除  
信勞止路旁百步間乾土堆壘壘借問此何  
為云以備泥滓笑謂春雨艱寧有作濇理惟  
應慮揚塵貯水供洒耳靈嶽膚寸合崇朝遍  
千里亦未致漸車埃塔則無矣五日又作霖  
優渥勝先是朝來命駕行殊覺涉波已以土  
藉塗澱馬不勞策筮始知豫立意更悟用材  
指陶侃藏木屑愧吾未及此

至泉林二首

脩禊昨纔過上巳禁烟今已近清明綠深草  
色輕風拂紅潤花光宿雨晴老幼就瞻由次  
第泉林蒼秀正逢迎碑亭負巔先欽讀益識  
文謨望道情

奎章明喜尼山近我自尼山祭罷來康熙二十三年

皇祖南巡還至曲阜先經此駐蹕御製記中有宮牆親覲至止非遙語 舊

日行宮重脩葺暮春曲水足追陪泗源疊出

似之矣正義謂泗水出濟陰乘氏縣水經注則謂出魯卞縣故城東南桃墟北蓋

此即指陪尾傳訛久矣哉兗州泗水縣陪尾山

史記正義引以注浮于淮泗而禹貢熊耳外  
方桐柏至于陪尾史記作負尾漢志作橫尾  
孔傳謂淮出桐柏經陪尾鄭氏謂在江夏安  
陸東北吳澄書纂言則陪尾云安陸橫山非淮所  
經當即泗水縣陪尾山其以橫尾為陪尾者  
非是蓋安陸之陪尾別為一山道淮自桐柏  
東會泗沂安得至江夏林色泉聲欣始遇得  
安陸唐志甚明可據也

### 泗水源

括地志泗源在兗州陪尾稽古有宿志而况

親臨是濼濼翻趵突不知凡有幾云以四得

名舉其大者耳導淮自桐柏東會入于海叶

淮已讓河兮泗亦濟運矣均非禹貢故今古  
異如此安得奏底績吾民免墊圯

泉林行宮八景

近聖居

泉林去曲阜百里而近逾昔可至依泉  
為行殿

皇祖經臨處也澄觀靜契如覩羹牆  
去聖如斯近紆鑿未至遙林烟鎖寒食泉氣  
漾虛寮翰墨於焉挹置塵一以消潛求應不

舍家法具

神堯

在川處

川為泗水之源舊傳即子在川上處原  
泉混混默喻化機想見至人會心不遠

綽楔伊誰勒嶼巔四圍喬木俯臨泉既稱夫

子在川處安藉釋迦別教傳右有招提曰泉  
林寺名與地殊

不相副故責實循名又奚必枕流漱石且云

然從今橫尾一拳石來往何妨著寸田

鏡瀾榭

湫流環繞帶以迴廊疏軒臨池澄澈見  
底錦石斑璘漪瀾縠縐信可樂也  
荇藻翠若梳鱗介紛可數出牆為泗川西流  
自終古

橫雲館

泉東平岡迤邐灑蓋陪尾支幹虛堂間敞  
膚寸觸石滂起硯席間

陪尾西來一尾垂三楹間館築於斯誰知聽

乳竇鳴處恰是看巖雲起時

九曲約

循山麓東南行諸泉奔匯而西步約屈  
折宛轉因以武夷仙源目之

拳石介中間左右泉無數出牆匯為川始遵  
泗河路墻內左者高亦不向右注地靈蹟必  
奇伊誰知此故溶溶開鏡湖彼岼多古樹我  
欲攬其秀曲約可過步

柳烟坡

御製詩集 卷六十一  
橋南草亭暎帶踈柳朝烟新綠悠然有  
浴沂風雩樂趣

清明時節輕絲翠淡染朝烟新雨霽此情此  
景始何年又識何人吟此際此際清吟恰值  
吾梳風鬢靄相扶踈未藏金衣弄笙管早教  
玉斧赦樵蘇因懷點也善別撰浴乎沂而風  
舞雩

### 古蔭堂

西偏古木大數十圍輪囷垂蔭不讓詩

禮堂唐槐南華大年未足語古

灌木不論名字古榦各具精神經幾春風秋  
月適逢美景良辰千載以來伯仲百尺之上  
輪囷偶坐愛斯嘉蔭緬懷植者何人

### 紅雨亭

方亭四敞藥欄苔徑致頗清雅適文杏  
盛放春雨初霽紅濕彌鮮

芳郊勝值寒食嶽雲初泮朝烟綠明堤柳疑  
暗紅濕山花更燃

往集言 卷六十一  
河南巡撫圖爾炳阿奏報得雨  
魯甸春膏渥以優便因接壤憶中州飛章見  
說一犁足額手同民望麥秋

清明二首

迴旃背泗水勝節指清明新火新烟候斯來  
斯徃程風輕春日冷露重魯天晴莫漫孤芳  
草即看有落英

郊原宜野望紅綠已馨薰那見鬪雞會空傳  
禁火文雨餘迎日潤春滿入懷欣按轡同民

樂誰訶語笑紛

過東平懷鄆州谿堂因用蘇軾韻

創建長慶中重新元祐後新堂亦已頽荒基  
禿衰柳我行經古邑馬上拂吟袖韓文與蘇  
詩千年炳星宿谿秋月仍鏡谿春泉尚溜藉  
問谿堂人以何稱不朽馬總鎮此方賓從會  
旨酒其時寧晏康濡初而補漏

聞京師得雨誌喜

魯雨齊雲數日連神州北望為心懸一封乍

見馳遙驛三寸欣知霑大田膏溢麥年想芘  
勃澤餘花柳績蕙綿當春千里歌優渥若惕  
持盈意倍虔

東阿

毀賢譽不肖真舛佞者其人周破胡都道齊  
威並烹合納忠亦識損之乎

穀城

迴軫言重經穀城遙因攬古寄間情葆祠立  
戍均難考為北於南鮮定評按一統志云穀城在縣南十二

里碼礮山之下宋檀道濟唱籌量沙之所立  
戍守之云云而府誌又云穀城山在縣東北  
五十里即黃石公期子房且喜綠含千頃潤  
處所紀不同究亦無可考

愛看紅護幾村迎初過方惜春光淺又見風  
前有落英

習字漫詠

去程喜新景採藻臨擅廬歸途率經見習字  
向紙疏設非斯二事奚以遣幾餘耽斯並政  
懈吾寧肯為諸李杜有佳句鍾王存法書人  
均非逸者藝也道與居繕性得深資何事非



起予

三月十一日即事

又是暮春旬一日恰於齊地德州南八週駒

電忽今度廿載齋莊作昔談此去徘徊空復

爾將以回鑾往叩東陵邇來憂樂大

都諳寥天古月依然照逝水流光正好叅

入直隸境

往返纔過廿日強青郊爾許燦韶光桃花已

落杏花放春麥新萌秋麥長開福前瞻梵王

塔昌平背指聖人鄉省心也識二幡義治世

惟殷九叙方

紅杏園

緇帷昨燦發日華今吐英南北暄寒殊遲數

百里程各以驗氣候均因貴文明尼山信莫

由河間良足旌一例芳春葩較於他卉榮駐

節適在茲畢然興遙情

陰

烟光芄麥鬚千田上均沾灑輕陰將釀雨佇望

為躊躇預虞風劫逆翹思澤沛輸情知土含  
潤春膏謝多乎因悟倖恩心吾民那能無

日華舊蹟坊

好古求書禮賢者典刑想像尚貽斯譬如驀  
遇虎賁一我亦因生北海思

即事

趙燕齊魯四分封小國仍多屬附庸一月行  
程周歷遍當年政令竟奚從

萬柳堤

鄭州城北臨長隄緩著玉鞭珠勒嘶馬之善走者名

珠勒去日黃稊試烟嫩歸來綠葉布陰齊

趙北口行宮六韻

駐臨趙北淀座愛近西窓白水目千里青天  
鷺一雙彎環帶洲渚森戟茁蒲茳蝸舍烟遮  
郭鳧舟風送篋空濛真入畫款乃不成腔坐  
到深更後冰輪正滿江

南苑行宮疊舊作韻有小序

孔林告祭禮成旋蹕展謁

孝陵

景陵由趙北口取道而東經臨南苑遷次逾

宿循覽舊題感時觸緒輒仍原韻用述

近懷

離宮信宿重關情綈几芸編觸目清詎料鹿

豨仍計詐尚教頡利待擒生起鑿日西路軍

睦爾撒納露布蓋據以告者乃逆賊緩師之

計也已而策楞等知其為詐督兵速進刺期

擒驅除已奏伊犁定犁初阿睦爾撒納潛踪伊

嘛人衆來迎策楞等遂以地旋轉終歸絕域平

謨烈在天祈默佑

橋山東望薊雲橫

烟郊行宮晚景

朱鳥蒼茫落遠天碧螺約邈隱暝煙蕭齋翰

席偶今夕江硯宣毫又隔年牧唱幾聲度牆

外庭花一樹舞風前壁詩不擬重追憶自識

吟時已惘然

恭謁

孝陵

風雲環衛是先天松栢陰森近百年一脉精神孰知遠萬方基構况承

前玉衣石馬驚霜露瑞嶺祥峯切顯烟者定遐荒藉

鴻佑持盈思永益乾乾

恭謁

景陵

三征我武輯寧夷一面姑寬順應時莫遠庶因愉

素志告成敢以達衷私

音容三十四年隔

德澤百千萬禩垂不數斯來緣有事不疏每到迴含悲

駐蹕靜寄山莊疊去歲韻

園莊門設戒常關闕達心殷宵旰間正是芳

春漫孤景聊因清暇一遊山觸懷默識趣偏

永即境拈吟例可刪踰月東巡塵問

寢較於五日更無間去年二月駐此有五日為期何太速之句春

因告祭闕里取道謁程已四十餘日念切問

陵旋蹕過此計安信宿即去於

山莊內諸景概未拈吟故云

### 天成寺

石門花木鎖春深塔鐸風鳴滿字音我欲摘毫吟所得不知何處覓吟心

### 萬松寺

前年為惜松遭劫去歲還欣松復蘇都為此來叅活句色空空後所空無

### 青峰寺

暗琴不見響潺潺一谷梨花笑破顏雅似吳中香雪海端飛逸興到其間

### 雙峰寺

度壑穿林纔片刻雙峰一榻恰恰神迴頭擬向如來問彼此伊誰是主賓

### 法藏寺

法雲界裏青春靜祇樹林中翠翠移却指盤龍猶好在盤龍笑答不惟斯

曾圖之並作歌

是寺有盤龍松近千年物昨歲

雲罩寺

跋馬言臻最上層樓窓納遠一臨憑定光猶  
在孤雲表姑舍是予待再登

少林寺

徑下盤紆蹠靠嵬新詩檢點訝竒哉恰如指  
月錄開讀七偈拈從七佛來

迴鑾詣暢春園問

安

踰月東巡隔

寢門喜瞻佳氣藹仙園欣陳春壠都含潤即  
看甘膏又沛恩

德化周姜更殷簡興居夏清與冬温普天億  
兆人同願萬載千秋奉

壽萱



